



S.<sup>MI</sup> D. N. D. PAVLI  
 Diuina prouidentia Papæ V.

Literæ Decretales Canonizationis S. FRANCISCAE  
 Romanæ Oblatæ Ordinis S. BENEDICTI Congreg.<sup>nis</sup> Montis  
 Oliucti Monasterij Turris speculorum Urbis.






2. M. D. N. D. PAVL.

Divina providentia Pape.

Iscariot (Anno 1517) Romanus (Anno 1517) (Anno 1517) (Anno 1517)



# PAVLVS EPISCOPVS SERVVS SERVORVM DEI.



**D PERPETVAM REI MEMORIAM.** Caelestis aquae flumen,

quod ab inexhausto vitae fonte procedens, perpetuo fluit impetu, qui  
laticat Ciuitatem Dei, cum abundantius effunditur, & hortos plan-  
tationum supernae Sapientiae, hoc est fidelium mentes, septem charisma-  
tum donis, felici inundatione fecundat; tunc sanè, qui magnus est sem-  
per, magnus nimis apparet, & mirabilis in altis Dominus: in Sanctis suis  
videlicet, qui terrena abnegantes desideria, ac solem iustitiae induti, Do-  
minum nostrum Iesum Christum, vitae puritate sine reprehensione nitidi,

virtutum luminibus, igne charitatis accensis, quasi stellis ornati, ex-  
celso spiritu, in carne ambulantes, & secundum carnem non militantes, caeli pretiosi Domi-  
no, & Dei sedes efficiuntur. Quae sapè dextera Excelsi opera multò illustriora resplendent, multò  
que cernitur admirabilior magnificentia Domini, cum erga vasa infirmiora, & sexum consilij  
imbecillioris, apponens cor suum, misericordiarum suarum diuitias superabundanter elargitur.  
De quo caelesti dono meriti omnis Ecclesia, sed Romana praecipue in Domino gloriatur; Quae, cum  
inenarrabili Dei beneficio cunctis praelata Ecclesijs, Principatum acceperit Ecclesiarum, & beato-  
rum Principum Apostolorum doctrina fuerit vnà cum sanguine irrigata, hoc etiam agnoscit fe-  
licitatem suam, quòd, vt fortissimorum Martyrum purpuratis populis, vt venerabilium Sacerdotum  
beatis cæribus, castissimarumq; Virginum splendidis choris, ita etiam sanctarum Mulierum  
caelestibus numeris, quasi multiplici, rutilantium honore gemmarum corona decora, Orbi vniuer-  
so praesulget. In hac igitur Ecclesia, matre Ecclesiarum, & magistra sanctitatis, renouans Do-  
minus castitatis, & multarum excellentium virtutum vetusta Romanarum mulierum fidelium exem-  
pla, ducentis ferme ab hinc annis, in ornamentum totius domus suae, Ecclesiae vniuersae, suscitauit  
mulierem, vera fortitudine fortem, FRANCISCAM nomine. Hae enim per gratiam Spiritus  
sancti, naturæ usum, & leues infirmitatem transgrediens, accincta robore, & in spiritu ambulans,  
desideria carnis non perfecit, sed odit animam suam in hoc mundo, vt in vitam æternam custodi-  
ret eam, & per altissimam humilitatem elegit abiecta esse in domo Domini, ac propter verba la-  
biorum eius custodire vias duras, currens per arduas Christianæ perfectionis semitas in odorem  
vnguentorum sponsi: quam obrem introduxit illam Rex in cellaria sua, vbi exultat, & lætatur in  
eo, vbi non occidet vltra Sol eius, & Luna eius non mimetur. Huius virtutes, fidei puritas, vitae  
morumq; sanctitas, aliæq; huiusmodi caelestia dona, miraculorum insignibus comprobata testi-  
monijs, adeò excellentia fuerunt, vt Ecclesiae catholice auctoritatis illustratione diuicijs destitui  
planè non deberent, sed proponenda aliquando essent imitanda fidelibus, vt glorificaretur per  
illam Dominus Pater misericordiarum. Quam etiam ob rem nonnulla de eiusdem virtutibus, &  
miraculis hic duximus ex legitimis actis referenda. Dilecta Dei filia FRANCISCA ex Pau-  
lo Buxio, & Iacobella de Brossedeschis Romanis, nobilibus genere, sed longè nobilioribus prole  
coniugibus nata, & Laurentij marini familia de Pontianis vocata, data est Ecclesiae suae à Domi-  
no circa annum M. CCC. LXXXIV. Quae, vt erat sorte gratæ Spiritus sancti, fortis ani-  
mam bonam, vel in infantia sua signa futuræ sanctitatis dabat. Auersabat gaudia huius sæculi,  
eiusq; æratis ludos, & illecebras abhorrens, solitudine magnopere capiebatur. Crescens con-  
fortabatur spiritu, & quam amabat, solitudine fruebatur, in dies magis orationi vacando. Vn-  
decimum annum nata, vt iugum Domini citò portare inciperet, Christo virginiter consecretare,  
& monasterium ingredi proposuit; sanctoq; proposito huiusmodi conuenienter viuendo, quasi  
solitaria vitam agebat, & iam in caelis conuersari incipiebat. Verum quia voluntas Dei erat, vt  
coniugalis status perfectionis grande documentum daret, parentes, quibus subdita erat, nubere  
viro diuiti, & nobili eam voverunt: illa verò haud desijce nupta cogitare quæ Dei sunt, sed in san-  
cto, & immaculato coniugio virum habuit, tanquam non haberet; & quemadmodum Sara obe-  
diebat Abraham, sic illa viro semper obediens fuit. Curis familiaribus à spiritualibus minime di-  
strahebatur: sed rebus domesticis dispositis, non egrediebatur foras cum Dina, vt videret filias  
alienigenas, sed ipsas horas in secreto cubiculi sui deuotè orando, & meditando quotidie transige-  
bat. Abstinebat spectaculis, nuptiarum celebrariis, non ingrediebatur domum coniugij,  
neque etiam cognatorum, eiusq; oblectamenta, & delicias erant Ecclesiae, & Hospitalia frequen-

tare, verbi Del prædicationibus, & diuinis Officijs tum deuotione intendere. At qua ratione in  
 dies magis Christo placeret indagans, quod sibi viro alligatæ nõ licebat, id, vt Sorores iugim Christo  
 Romanæ mulieres præstarent, curauit. Itaque complures à seculari ad archioris vitæ institu-  
 tum reuocans, donum religiosam Oblatarum in Regulâ Beati Benedicti Congregationis Monicis  
 Oliueti in Vrbe instituit. Et cum dedisset Domino in nupta, dedisset nupta fructus suos, multipli-  
 cans Deus cum illa misericordiam suam, fructificare etiam eam voluit in sancta viduitate. Ita-  
 que defuncto marito, paucis annis ante suam idem institutionem, varijs seruatis obsequijs non destitit  
 Christo famulari. Proinde sanctum claustralis vitæ propofitum sollicitè adimplere volens, absque  
 mora Oblatas, quæ ipsa Christo pepererat, nudis pedibus adit, ac vinculo de collo pendente, pro-  
 na in terram, moleisq; cum lacrymis, quasi peccatrix indigna, non tamquam earum pa-  
 rens suppliciter illas orat, vt se ipsarum numero adscribant. Adscripta, verbo, & exemplo, ma-  
 gnopere, vt par erat, in Sororibus præfecit, donec consummato curriculum, ad coronam iustitiæ ac-  
 cipiendam de manu Dei, ætatis suæ anno L. v. 1. virtutum donis onusta, & signis, ac prodigijs clara  
 à Domino euocata est. Cuius ex multis, ac præclaris virtutibus humilissimas in primis, per quam ad  
 solidam, veramq; celsitudinem peruenitur, maximè enituit. Non illi, etiam dum in coniugio  
 vixit, quāquam nobili, & opulento viro collocata, serica, non autem contexta, sed villi, & lanea  
 vestis. In claustrali vna, effect licet omnium Oblatarum mater, item domi, quasi domina; ministrari  
 nunquam, sed, memior Domini verbi, ministrare omnibus amabat, ac tanquam ancilla tractari, &  
 ancilla videri delectabatur, aliqd; honoris titulo, quam peccatrix, immunditiæ vasculi, scemii  
 naq; villissimæ. & abiectione se minimè insigniuit. Nec verbis tantum, sed re etiam propter Chris-  
 tum, vt abiectione esset, sedulo curabat, ita vt sæpè de suburbana vinea sua reuerrens, lignorum fascem  
 in capite pauperibus portaret, interdum asellum, lignis, & samentis, in vsum similitur paluperum  
 onustum, per Vrbe ageret, ostendens videlicet omnia esse facilia charitati, qua etiam beatam mu-  
 lierem abundè fuisse à Spiritu sancto donatam, præter huiusmodi perfectionis opera, cuius est vin-  
 culum charitas, illa præterea declarant. Super egenos, & pauperes benignè, & multisariam re-  
 spiciebat, largas elemosynas, hospitium præsertim infirmis erogabat. Visibat eos frequen-  
 ter, neque solum affererebat corporis cibaria, sed monita etiam salutis, & ad Ecclesiæ sacramenta su-  
 scipienda illos inducebat. Pium afflictos consolandi officium, ad amorem Dei, & mundi con-  
 temptum cohortando, assidue præstiter. Orabat frequenter pro peccatoribus feruenti spiritu, ma-  
 ximèq; in id incumberebat eius sollicitudo, vt Romanas matronas à pompis sæculi, & ornatus  
 vanitate abduceret. Et quoniam, vt Beatus inquit Gregorius, pena interrogat si quietus vera-  
 citer amat, sicut non excollebat prosperis, sic tribulationibus agitata, non solum æquo animo,  
 patienterq; ferebat, sed nouit etiam, Sanctorum emulando virtutem, Domino gratias agere. Nam  
 exilio mariti, bonorumq; magna iactura, & domus vniuersæ merore, aliquando grauiter tenta-  
 ta, eius querelæ benedictiones illæ frequentes fuero, Dominus dedit, Dominus abstulit, sit nomen  
 Domini benedictum. Potuit similiter in eo, qui illam confortabat, non solum aduersa mundi hu-  
 ius, sed Principis quoque tenebrarum visibilibus insultibus foriter resistere. Sæpè enim inter oran-  
 dum à Diabolo verberibus affecta, ad terram alissa, caesaq; in facie, induta lorica iustitiæ, &  
 sumpto scuto fidei, Tentatorem sic impeterrita elusit, vt illi formidabilis euaderet; sed & Angeli  
 præsidio, quem familiarem, protectorem, & comitem singulari Dei beneficio habebat, ab huius-  
 modi inimici tentationibus defensam in actis consignatum apparere, vnde factum putatur, vt post  
 B. F. K. A. N. C. I. S. C. A. E. dormitionem, statim eiusdem imagines cum Angelo pingerentur, & vlu  
 reuente fuerit. Nec minori virtute in Christo Iesu cura hoste domestico pugnavit. Sed exemplo  
 electorum Dei, admirabilem in modum castigauit corpus suum, & in seruitutem redegit. Cibum  
 illi semel in die herbe, & legumina, aqua potum præbuerunt. Siue vigilaret, siue dormiret, aspe-  
 rum laneum indutum non exuebat, duroq; cilicio, ac ferro cingulo super nudum membra mor-  
 tificabat; accedebant flagella ferreis aculeis aspera, quibus corpusculum, quamquam aliunde attri-  
 tum, seuerissimè atterebat. Sed quoniam tanti illi erat obedientia, vt iussa ageret etiam quod no-  
 lebat, confessorij mandato ad huiusmodi corporis cruciatibus modicè temperauit. His autem mo-  
 dis, eam, qui foris est, hominem affligens, ex quo ille qui intus est, firmior redditur, magno mentis  
 ardore, diuina omnia, præsertim Domini passionem contemplabatur, tamq; lacrymarum  
 profundebat, vt doloris sensu acerbissimo confici putaretur. Sæpè, cum oraret, maximè sumpto  
 Sanctissimo Eucharistiæ Sacramento, spirita in Deum eleuata, ac caelestium contemplatione rap-  
 ta; immobilis persistebat. Huiusmodi virtutes, ardents fidel munere stabilitas, miraculorum  
 clarissimis luminibus manifestare volens mirabilis Dominus, multa grandia signa, multaq; mira-  
 bilia operari per Sanctam suam, & viuentem, & dormientem dignatus est. Nam vt ex multis pauca  
 referantur; primum super ægros manus impoluit, & benè habuerunt. Siquidem comitiali mor-

bo grauissimo quinque annorum ægrotus adolescens, Menicus nomine, Tartagliæ cuiusdam filius, cum illum ad sanctam mulierem Rentius auunculus duxisset, vt orationibus eius iuuaretur, & illa manu super ægroti caput imposita, benè sperare iussisset, quando diuina bonitate consideret, amplius morbum non passurum, confestim sanatus est. Eiusdem manus contactu, puerum, & Læij de Cinque Romani filium, hernia cum rupturâ laborantem, & mox chirurgò tradendum, extrema remedia adhibuit, statim similiter ancillâ Christi sanauit: ac Sanctæ auxilium implorando obuam illi factâ scemina quædam, Angelella nomine, quæ ex articulari morbo brachij vsu, & absque spe sanitatis perdiderat, illico conualuit. Dedit quoque admirabiliter per illam Dominus escam elurientibus, & opera, quæ ipse fecit, innouauit: Cum in Monasterio ageret, iam Oblata contigit aliquando vt fororibus, tunc numero quindecim, sub refectiois horâ, panis paucula solum fragmenta, quæ vix tribus reficiendis sufficiebant, esse cognosceret; quamobrem, cæteris valde sollicitis, sola ipsa immota Dominû prouisurum inquit, positisq; fragmentis super mensam benedixit, & comederunt omnes agentes gratias Deo, ac saturatæ sunt, tantumq; panis superfuit, vt canistrum impleteretur. Ad hæc cum ex ipsâ fororibus complures extra Urbem, illa parandâ causâ, mense Ianuario essent, ac præ labore sitirent, & ad aquam hauriendam villam ex ijs procul ire FRANCISCA honestum non duceret, in Domino sperare illas iubet, Dominamq; prouisuram pariter affirmat; tum verò statim ad vicinam arborē conuersæ, vitem, & in ea tantum vitz adfuerunt, vt suum vnaqueque botrum, iussu FRANCISCÆ gratias Deo agentis, decerpere, ac fittim restringere potuerit. Elementa quoque non semel B. FRANCISCÆ sanctitatis testimoniū dederunt: Primum enim, cum in vigilia Sanctorum Apostolorum Petri, & Pauli à visitandâ Apostoli Pauli Basilica, nonnullis ex fororibus comitata reuerteretur, in proximam vineam suam cum flexisset, ibique ad aquæ riuum sedisset, mentemq; leuasset ad Deum, in ecstasim raptâ, super labentem aquam, minime aduertens, genua fleuit, nec modico tempore aqua circumseptra perstitit; postquam verò ad se redijt, secis vestibus ex aquâ egressa est, non secus ac si illam non attingissent. Simili deinde miraculo eodem anno, & loco beatæ Virginis Mariæ horas recitans, ancilla Dei honorificata est; maximo enim imbre in aperto oppressa, orare nihilominus perseuerauit, & comitibus omnibus madidis, sola madefacta non est. Potens etiam fuit, & celestis gratiæ dono, secreta cordium cognoscere: Etenim Laurentium Tuelij filium adolescentem à proposito occidendi gladio linguæ Franciscæ Sclauium educatorem suum renouauit, Christiana charitate illum corripiendo, & à concepto peccato dehortando, quod nulli reuelauerat. Simili spiritu mortem inopinatam incolumis infantis, quasi prouidentis, vitam illi æternam procurauit. Num, horâ secunda noctis, quæ diem natalem eiusdem infantis sequuta est, domo præter morem egressa, filius mulæ charitatis, & gratiæ Spiritus sancti, quæ tarda nescit molimina, impellentibus, intempestua sollicitudine, vt ceteris videbatur, cum nulla accelerandi baptismi appareret causa, vt statim baptizaretur curauit; post baptismum verò subitus infantem morbus, quæ mors consequuta est, occulto Dei iudicio inuasit. Et his quidem signis, inter cetera clarificauit Dominus famulam suam, in seruitute corruptionis vitz huius degentem: Postquam verò ab hac seruitute in libertatem gloriæ liberata est, ipso die dormitionis eius, quæ Urbem vniuersam commouit, & duobus sequentibus, quibus diebus eius corpus inhumatum fuit in Ecclesia Sanctæ Mariæ Nouæ nuncupatæ, simili miraculo, quo Sanctorum suorum corpora non semel honorauit, FRANCISCÆ etiam corpus honorare dignatus est Dominus: Tantis enim odoribus fragrauit, vt omnia odoratis floribus referta visâ fuisse acta testentur. Multa exinde ancillæ Dei sanctimonie præclara miracula fidem fecerunt: Complures enim grauissimis, & extremis morbis, opem, quam in medicinæ auxilijs inuenire non potuerunt, in eius, vel libri horarum beatæ Mariæ Virginis, vel vestium contactu, per eius merita, & intercessionem præsentaneam inuenerunt. Constat enim inter cetera Viterbiensem feminam Augustinam Angeli lippiudine, quæ visum illi ademerat, panno oculis admoto, quo sacrum FRANCISCÆ corpus concessum fuerat, subito sanatam, & Hieronymum quemdam Aromatarium, qui peste laborabat, in articulo mortis eiusdem Sanctæ veste superinictâ, ac voto eidem facto subito similiter conualuisse; aliam verò feminam febri cum picuritide, ad perniciem procedente, affectam, cui medicus neque ad sequentem diem vitam promittebat, FRANCISCÆ velo lateri imposito, dolore statim liberatam, & postridie è lecto sanam consurrexisse. Multi etiam sanctæ mulieris auxilio, & intercessione deuotè solum inuocatis, è morbis similiter varijs, & grauibz diuina gratia euaserunt. In his mulier quædam nomine Magdalena de Clarellis, peste & ipsa laborans, quæ quamquam chirurgi scalpello lesa, brachij dolore ita cruciaretur, vt non putaretur à morte procul abesse, eadē hora conualuit, quâ matet ad FRANCISCÆ sepulchrum, pro filie sanitate orauit. Insigni quoque miraculo crurum sanitate, B. FRANCISCÆ intercessione, à Domino donatus fuit puer annorum quatuor, Pauli Torri filius, qui cum grauibz viceribus in-

cessu prohiberetur, mater quod puerum minimè sanescere medicinæ remedijs cerneret, illo in vlnis suscepto, cum ad Sanctæ imaginem in Ecclesiam beatæ Mariæ Transyberim, pro eius sanitate deuotè oratum venisset, nondum finita oratione, ecce ex vlnis deponi puer rogat, depositus, ambulare incipit, ac domum pedibus redit, solutusq; ligaminibus, & amoris emplastris, non solum sanis cruribus, sed etiam, vt diuina magis per Sanctæ suæ merita eluceret potentia, sine cicatricibus inuenitur. Huius itaque tam excellentis sanctitatis lucernam, quoniam sub modio esse volebat Dominus, sed aliquando super candelabrum, Apostolicæ auctoritatis decreto, constituendam, præordinauerat, factum est, vel paucis mensibus post felicem Sanctæ obitum, vt bo. me. Andreas Episcopus Auximanus sc. rec. Eugenij Papæ 1. x. l. Prædecessoris nostri, tunc in Vrbe in spiritualibus Vicarius, examen testium super eius vitæ, & miraculis committeret Episcopo Bouen, ac Priori Monasterij Sanctæ Crucis in Hierusalem Ordinis Chartosiensis, qui multorum testimonijs susceptis, summariam inquisitionem egerunt. Deinde verò biennio, ac nonnullis mensibus elapsis, & causa bo. me. Cardinali de Albertis delegata, instantibus Procuratore, & Syndico Monasterij Sanctæ Mariæ Nouæ, anno M. C. D. X. l. 1. 1. processu causæ huiusmodi coram bo. me. Dominico Cardinale Firmiano nuncupato, subdelegato Cardinalis de Albertis, ritè instituto, triginta & octo testes super octoginta articulis recepti sunt. Defuncto Eugenio Prædecessore prædicto, anno M. C. D. l. l., meritis B. FRANCISCÆ exigentibus, fel. rec. Nicolaus Papa V. pariter Prædecessor noster, qui Eugenio in Apostolatu successerat, ad Canonizationis eius negotium aggressus, inquisitionem peragi per Spoletanum, & Mindonensem Episcopos mandauit; eorum quibus à Procuratore, & Syndico prædictis testes ad numerum centum, & triginta duorum sunt producti, & super nouis articulis ritè, & rectè recepti, ac processus accuratè, & legitime formati. Ac licet rem transigi, & B. FRANCISCAM Sanctam declarari, nec tunc temporis, neque postea tot annis successerit; tamen Dominus Sanctæ suæ summum honorem, in terris debitum, ad hanc usque diem occulta dispensatione differri volens, non permisit interea alijs honoribus destitui, numquam enim deuotio fidelium erga ancillam suam refrexit in Vrbe, quinimò dies transitus eius, auctoritate Apostolica, & Populi Romani pia sollicitudine in honore, & in Curia Capitolina festus habitus fuit, donec fel. rec. Clemens Papa V. 1. l. Prædecessor noster, pro sua Pastoralis providentia, spiritali Deimotus, pijs eiusdem Populi Romani precibus benignè aures præbens, Canonizationis B. FRANCISCÆ opus, ad decorem, & vtilitatem domus Dei, iam diu ceptum consummandū censuit. Itaq; bo. me. Seraphino S. Saluatoris in Lauro, necnò dilectis filijs nostris Hieronymo S. Blasij, de Annulo Pamphilio, & Io. Garzia Ss. Quatuor Coronator Tit. S. R. E. Presbyteris Cardinalibus, Missino nuncupatis, tunc Sacri Palatii Apostolici causarum Auditoribus commisit, vt viderent, an, secundum Sacrorum Canonum Decreta, & Ecclesiæ Romanæ receptum morem Canonizationis huiusmodi celebrari posset. Illis verò, & in eorum locum, iidem ad Cardinalatus honorem, eorum exigentibus meritis, promoti, postea subrogati dilecti etiam filij Franciscus Pefia, Honoratus Lancellottus, & Io. Baptista Pamphilius, eiusdem Sacri Palatii causarum pariter Auditores processus, & acta omnia ab exordio causæ, vt res postulabat, recenses, probationes diligenter perpendērūt, nouoq; processu ritè cōfēcto, sanctitatis & miraculorū, B. FRANCISCÆ ab eius obitu ad annū vsq; M. DC. IV, quo anno hæc agebantur, continuā constantemq; famam probari voluerunt. Verum, viā vniuersæ carnis ingresso Clemente Prædecessore, & humilitate nostrā ad summū Apostolorum gradū nullo suffragio meritorum à Domino euocata, nec cessante Populo Romano sancta sedulitate insistere, vt causa Canonizationis huiusmodi absolueretur. Nos ex officij debito Pastoralis, quæ ad Dei laudem, & fideliū adificationem sunt, quantū in Domino possumus, promouere cupientes, ac non ambigentes id genus esse triumphalem Canonizationis honorem, per quem sapientiam, Sanctorum narrant populi, & laudem eorum nunciant Ecclesiæ, patriæq; nostræ Inclitæ Urbis Romæ charitate cogente, ne filiz suæ merita veneratione, quasi noua corona destitueretur, Prædecessorum nostrorum vestigijs insistentes, rei tantæ in nomine Domini persciciendū consiliū capimus. Quapropter, cognita eorundem ex Auditorum relatione, illorum pro Canonizatione sententia, illam, & vniuersam causam à Venerabilibus Fratribus nostris S. R. E. Cardinalibus sacris Ritibus, & Ceremonijs præfēdis, accuratissimè recognosci, & examinari mandauimus; qui rediū multumq; discussa, ac disputata, B. FRANCISCÆ vitæ excellentem cū fide sanctitatem, & præclara miracula ex omnibus processibus, primo excepto, satisq; legitime ad rem, de qua agebatur, probata, & ad Canonizationem procedi rectè posse cōsulerunt. Itaque eorum sententia vna cum omnibus, quæ in causa erant, in Consistorio nostro Secreto à Venerab. fratre nostro Dominico Episcopo Ostien. S. R. E. Card. Pinello nuncupato, Sacri Collegij Decano, & eorundem Cardinalium antiquiore, summariæ, & appositè relatis, cum reliqui Cardinales, qui ad fuerunt idem censuissent, in publico sequenti Consistorio audita dilectorum filiorum Cameræ Urbis nostræ Conferuatum pro



Canonizatione huiusmodi, per dilectum filium Hieronymum de Rubéis P. R. Aduocatū habitā, dis-  
serta oratione, ac de re tanta Nos, vt oportebat, cum ijsdem Cardinalibus, & Episcopis deliberaturos,  
responso dato; eisdem Cardinales, & Episcopos ad implorandum elemosinis, ieiunijs, & oratio-  
nibus diuinum auxilium, in Domino hortati sumus. Deinde eorūdem Cardinalium, Patriarcharū,  
Archiepiscoporum, & Episcoporum in Vrbe praesentium, Consistorio semipublico indicto, in quo etiā  
nostri, & Apostolicę Sedis Notarij, & Sacri Palatii Apostolice Causarū Auditores vocati adfuerūt.  
Ijdem Cardinales, Patriarchę, Archiepiscopi, & Episcopi oīs B. FRANCISCAM ex ijs, quę à No-  
bis propōita, & ex processu relata fuerant, iure canonizandam esse censuerunt. Quorum sententijs au-  
ditis, Nos gratias Deo agentes, quod ancillam suam per ministerium nostrum honorificari velle di-  
gnaretur, Canonizationis diei declarationem nobis reseruauimus, omnesq; ad deuotē interim nobis-  
cum orandum, & elemosinis, ieiunijs, ac sacrificijs cō-estem Spiritus sancti fauorem in eam rē in-  
mirati nostrę procurandam, iterum adhortati sumus. Ac tandem, ritē peractis omnibus, quę Sanctorū  
Patrum auctoritas, Sacrorum Canonū statuta, Sanctęq; Romanę Ecclesię antiqua consuetudo in  
re huiusmodi peragenda praescribunt, hodie in Sacra Beati P E T R I Principis Apostolorum Basili-  
ca, ad quam vnā cum ijsdem fratribus nostris S. R. E. Cardinalibus, necnon Patriarchis, Archiepisco-  
pis, Episcopis, alijsq; Romanę Curię Prelatis, Officialibus, ac familiaribus nostris, Clero seculari, ac  
regulari, hymnum A V E maris stella, Beatę Marię Virgini, cantorum cętu resonante, solemnī ritu  
processimus, maxima populi frequentia: Post praedictorum Conferuatorum, pro Canonizationis decre-  
to, per eundem Aduocatū confectas petitiones repetitas, post sacras litanias, hymnosq; decanta-  
tos, precibusq; in spiritu humilitatis praemissis, ac Spiritus sancti gratia ritē implorata.

Ad honorem Sanctę, & indiuiduę Trinitatis, ad Fidei Catholice exaltationē, & Religionis Chri-  
stianę augmentum, auctoritate eiusdem Sanctissimę Trinitatis Patris, & Filij, & Spiritus sancti, Bea-  
torum Apostolorum Petri, & Pauli, ac nostra, de Venerabilium fratrum nostrorum S. R. E. Cardina-  
lium, Patriarcharum, Archiepiscoporum, & Episcoporum in Vrbe praesentiu consilio, & vnanimi cō-  
sensu, Beatam FRANCISCAM Romanam, ex oblatis Monasterij Turris speculorū Vrbs, ordi-  
nis Sancti Benedicti Congregationis Montis Oliueti, cuius corpus hodie in Ecclesia Sanctę Marię  
nouz nuncupatę in pace quiescit, de cuius Sanctitate vitę, fidei sinceritate, & miraculis plenē cōsta-  
bat, & constat, Sanctam esse definimus, ac Sanctarum mulierū catalogo adscribendam decreuimus,  
prout praesentium tenore definimus, decernimus, & adscribimus, illamq; omnes fideles venerari mā-  
dauimus, & mandamus: Statuentes, vt ab vniuersali Ecclesia in eius honorem Ecclesię, & Altaria,  
in quibus sacrificia Deo offerantur, adificari, & consecrari possint, & singulis annis die 1x. Martij fe-  
stum ipsius, & Officium Sanctarum, nec Virginum, nec Martyrum ad Breuiarij Romani praescriptum  
deuotē celebrentur. Pręterea, eadem auctoritate, omnibus verē poenitentibus, & confessis, ac sacra  
Communionē refectis, qui annis singulis eodem die festo ad Sepulchrum, in quo corpus eius requie-  
scit, deuotē acceperint, necnon Ecclesiās, & Altaria in ipsius honorem cōstructa deuotē pariter visi-  
tauerint, easdem Indulgentias, & peccatorum remissiones concessimus, & elargiri sumus, prout conce-  
dimus, & elargimur, quę ceteris dicti Ordinis Ecclesijs in diebus festis eiusdē Congregationis Mō-  
tis Oliueti Sanctarum iam cōcessę sunt. Deniq; exactis omnibus, quę Canonizatio huiusmodi postu-  
labat, ac Deo Patri inmensę maiestatis, vnerandōq; eius vero, & vnico Filio, sanctoq; Paraclito Spi-  
ritui laudibus sacro hymno cātatis, Ecclesię communi p̄cece orauimus Dominum, vt quoniam Bea-  
tę FRANCISCÆ festiuitate gaudebamus, eius exēplo p̄ce deuotionis erudiremur affectu, ac  
sacrosanctis sacrificijs ad Altare Principis Apostolorum Pontificali ritu, cum eiusdem Sanctę cōme-  
moratione oblati, plenariam omnibus Christi fidelibus ibi praesentibus, ad Dei laudem, & gloriam,  
Sanctę eius, peccatorum Indulgentiam, & remissionem concessimus. Constatemur igitur Domino  
Domini nostri, per quē amici eius honorificentur nimis, & a quo gloria, & honor omni operanti bonū.  
Et quoniam Sanctę etiam huius praesidium iam cernimus nobis diuinitus comparatum, requi est nos  
sempernam clementiam orare, vt cuius in terris voluit his nostris calamitosi temporibus gloriam  
manifestari illam, etiā in tribulationibus nostris nobis adesse, & obsecrationes pro Ecclesię Sanctę  
exaltatione, hęresum extirpatione, Principum Christianorum vnione, patrocinio suo promouere  
sensimus, per CRISTVM Dominum nostrum. Ceterum, quia nimis difficilē foret prę-  
sentes nostras Literas ad singula loca, vbi opus esset, deferri, volumus, vt earum exemplis, etiam  
impressis, manu publici notarij subscriptis, & sigillo alicuius personę in dignitate Ecclesiastica,  
constitutę munitis, eadem vbique fides habeatur, quę ipsis praesentibus, si exhiberē, vel ostensę es-  
sent, haberetur. Nulli ergo omnino hominum liceat hanc paginam nostrorum decreti, definitionis,  
adscriptiois, mandati, statuti, concessionis, elargitionis, & voluntatis infringere, vel ei ausu  
temerario contraire. Si quis autem hoc attentare praesumpserit, indignationem Omnipotentis

tis DEI, et Beatorum PETRI, & PAULI Apostolorum eius se nouerit incursum...  
 Dat. Romæ Apud Sanctum Petrum, Anno Incarnationis Dominicæ M. DC. VIII. iij. kal.  
 Iunij, Pontificatus Nostri Anno Quarto,

✠ Ego Paulus Cath.<sup>ca</sup> Ecclesiæ Episc.<sup>s</sup>



✠ Ego Dominicus Episcopus Ostien. Card. Pinellot.  
 ✠ Ego Fr. Hieronymus Episc. Porruen. Card. Alculan.  
 ✠ Ego Antonius Maria Episc. Prænestin. Card. Gallus.  
 ✠ Ego Antonius Episc. Albanen. Card. Saulius.  
 ✠ Ego Mariannus Episc. Tusculan. Card. de Camerino.  
 ✠ Ego Euang. et S. Lauren. in Lucina Presb. Card. Cusentin.  
 ✠ Ego Fr. Gregorius et S. Mariz Transilb. Presb. Card. de Mont' Elpero.  
 ✠ Ego Franc. Maria et S. Mariz in Araceli Presb. Card. à Monte.  
 ✠ Ego Octavius et S. Alexij Presb. Card. Paraucinus.  
 ✠ Ego Octavius et S. Prædix Presb. Card. Aquamian.  
 ✠ Ego Octavius et S. Sabine Presb. Card. Bandione.  
 ✠ Ego Laurentius et S. Lauren. in Pace, & Perna Presbyter Card. Blanchettus.  
 ✠ Ego Bartholom. et S. Mariz in Porticu Presb. Card. Cassus.  
 ✠ Ego Franc. et S. Mariz de Populo Presb. Card. Mantica.  
 ✠ Ego Pompeius et S. Balbinæ Presb. Card. Arigonis.  
 ✠ Ego Bonifacius et S. Hieronymi Illyncorum Presb. Card. Beulaqua.  
 ✠ Ego Dominicus et S. Honorij Presb. Card. Thakus.  
 ✠ Ego Robertus et S. Mariz in Via Presb. Card. Bellarmin.  
 ✠ Ego Dominie, SS. Duodecim Apol. Presb. Card. Gymnaf.

✠ Ego Antonius et S. Crucis in Hieruf. Presb. Card. Zapata.  
 ✠ Ego Innoc. et S. Nerei, & Achillei Presb. Card. Bubalus.  
 ✠ Ego Ioannes et S. Marci Presb. Card. de Vicentia.  
 ✠ Ego Iacobus et S. Stephani in Monte Celio Presb. Card. Sannellus.  
 ✠ Ego Hieronymus et S. Blasij de Annulo Presb. Card. Pampilius.  
 ✠ Ego Ferdinandus et S. Eusebij Presb. Card.  
 ✠ Ego Scipio et S. Chrysogoni Presb. Card. Barghe Aus.  
 ✠ Ego Ludovicus et S. Pancratij Presb. Card. Montisregali.  
 ✠ Ego Mathæus et S. Petri in Monte Aureo Presb. Card. Barberinus.  
 ✠ Ego Io. Garza et SS. Quatuor Presb. Card. Millinus.  
 ✠ Ego Marcellus et SS. Qzirci, & Iuliste Presbyter Card. Lanter.  
 ✠ Ego Franciscus Moria Diac. Card. S. Mariz in via lara.  
 ✠ Ego Alexander S. Laurentij in Damia Diaconus Card. Montalcis S. R. E. Vicecancellarius.  
 ✠ Ego Andreas Sancti Angeli in foro Piscium Diac. Card. Perellus.  
 ✠ Ego Io. Aup. S. Mariz in Golludin Diac. Card. Dugu.  
 ✠ S. Cobellunus.